

## **Ugovor o izvršavanju rada za opće dobro na slobodi**

Ministarstvo pravde i uprave Kantona Sarajevo potpisalo je novi Ugovor o izvršavanju rada za opće dobro na slobodi sa Javnom ustanovom Terapijska zajednica Kampus Kantona Sarajevo, za period od 26.06.2020. godine do 26.06.2021. godine. Na ovaj način obezbijedeno je dodatnih dvadeset mjesta, odnosno ova javna ustanova može primiti do dvadeset osuđenih lica na izvršavanje ove alternativne krivične sankcije, istovremeno, u skladu sa Pravilnikom o izvršavanju rada za opće dobro na slobodi (“Službene novine Kantona Sarajevo”, broj 24/10).

Ugovorom je konstatovano postojanje zajedničkog interesa za izvršavanje rada za opće dobro na slobodi, koji se sastoji u obezbjeđenju postizanja svrhe i posebnih ciljeva rada za opće dobro, besplatnog rada osuđenih lica u korist ove javne ustanove, te definisana međusobna prava i obaveze ugovornih strana na osnovu kojeg se osobe kojima je izrečena sankcija upućuju na izvršavanje, kao i način vršenja neposrednog nadzora.

Uključujući već ranije potpisane ugovore sa komunalnim preduzećima KJKP Rad, KJKP Gradski saobraćaj, KJKP Park i KJKP Pokop, koja su prepoznala društveni značaj izvršavanja alternativne krivične sankcije rad za opće dobro na slobodi, Ministarstvo je obezbijedilo dovoljne kapacitete za izvršenje sudskih odluka o zamjeni kazne zatvora ovom sankcijom, na području Kantona Sarajevo.